

TEZAUUR LITURGIC
6 DECEMBRIE

ACATISTUL
SF. IERARH
NICOLAE,
ARHIEPISCOPUL
MIRELOR LICHIEI
I



TBILISI, 2000



დაუჯდომელი წმიდისა ნიკოლოზისა მრონ-ლუკიის მთავარეპისკოპოსისა და

კონდაკი 1

გაქებთ შენ, საყუარელო, წმიდაო მღდელთმთავარო
ნიკოლოზ, ზესთამბრძოლო საკვრველთმოქმედო და
უსათნოესო ქრისტესო, მრავალსასყიდლისა წყალობის
მრონსა და საკვრველებათა ზღვსათა სოფლისათჳს
მიმმადლებელო; ხოლო შენ, ვითარცა გაქუს
კადნიერებაჲ წინაშე ღმრთისა, ყოველთა ჭირთაგან
განგუათავისუფლენ ჩუენ, რადთა დაუცხრომელად
გადიდებდეთ: გიხაროდენ, წმიდაო დიდო
მღდელთმთავარო ნიკოლოზ, საკვრველთმოქმედო
ყოვლადდიდებულო.

იკოსი 1

წინაჲსწარცნა რაჲ კეთილქმნულებაჲ სულისა შენისაჲ,
ნეტარო ნიკოლოზ, მქონებელი ეგე ქუეყნიურისა
ბუნებისაჲ, ანგელოზებრივითა სახითა გამოგაჩინა შენ
ყოვლისა დაბადებულისა შემოქმედმან: ხოლო ჩუენ
გუასწავლა შენდა მიმართ ესე გალობა:

გიხაროდენ, დედისმუცლითვე განწმენდილო;
გიხაროდენ, სრულო სიკეთეო;

გიხაროდენ, შობითა შენითა მშობელთა
 განმაკვრეებელი;
 გიხაროდენ, სულიერისა ძალისა შობითვე
 გამომაჩინებელი;
 გიხაროდენ, მტილო აღთქმულისა ქუეყანისაო;
 გიხაროდენ, ყუავილო ღმრთაებრივისა ნერგისაო;
 გიხაროდენ, სათნოო ვაზო ქრისტეს ვენახისაო;
 გიხაროდენ, საკვრველებათმდინარეო ხეო იესუს
 სამოთხისაო;
 გიხაროდენ, ყუავილო, ედემს შინა აღმომორჩებულო;
 გიხაროდენ, მირონო ქრისტეს კეთილსუნნელებისაო;
 გიხაროდენ, ყოველთა საღმობათა განმაქარვებელი;
 გიხაროდენ, სიხარულისა მომნიჭებელი;
 გიხაროდენ, ბრძენო მესაჭეო ივერიის წმიდისა
 ეკლესიისაო და მფარველო ერისა ჩუენისაო.
*გიხაროდენ, წმიდაო მღდელმთავარო ნიკოლოზ,
 საკვრველთმოქმედო ყოვლადდიდებულო.*

კონდაკი 2

შენგან მომდინარე მირონის მხილველნი სულითა და
 გულით ვნათლდებით, ღვთივგანბრძნობილო, და
 გაღიარებთ შენ წყაროდ საკვრველისა და
 ცხოველსმყოფელისა მირონისა, რომლითაცა, ვითარცა
 ცხოველისა წყლითა, ადავსებ სარწმუნოებით
 მგალობელთა: *აღიღოუია.*

იკოსი 2

გულისხმა-ჰყოფდი რაღ გონებამიუწდომელსა წმიდასა
სამებასა, ნიკეას წმიდა მამათა თანა
მართლმადიდებელი სარწმუნოების აღმსარებელი და
მცველი, ძესა მამისა თანასწორად, თანადაუსაბამოდ
და თანამოსაყდრედ აღიარებდი, ხოლო უგუნურებასა
არიოზისასა ამხილებდი, ამისთჳს ისწავეს
მორწმუნეთა შენდა მიმართ ესე გალობაჲ:

გიხაროდენ, დიდებულო სუეტო
ღმრთისმსახურებისაო;
გიხაროდენ, მორწმუნეთა შესავედრებულო ქალაქო;
გიხაროდენ, მართლმადიდებლობისა სიმტკიცეო;
გიხაროდენ, ღმერთშემოსილო;
გიხაროდენ, მამისა თანასწორად ძისა მქადაგებულო;
გიხაროდენ, ეშმაკეულისა არიოზის წმიდისა
კრებისაგან განმდევნელო;
გიხაროდენ, მამათა სასიქადულო შუენიერებაო;
გიხაროდენ, ყოველთა ღმრთივგანბრძნობილთა
უბრძნესო;
გიხაროდენ, ცეცხლოვანთა სიტყვათა ნაკადულო;
გიხაროდენ, სამწყსოჲსა შენისა კეთილად
დამწყსველო;
გიხაროდენ, რამეთუ შენ მიერ სარწმუნოებაჲ
განემტკიცების;

გიხაროდენ, რამეთუ შენ მიერ მწვალებლობანი
დაემხობიან;
გიხაროდენ, ბრძენო მესაჭეო ივერიის წმიდისა
ეკლესიისაო და მფარველო ერისა ჩუენისაო;
გიხაროდენ, წმიდაო დიდო მღდელმთავარო
ნიკოლოზ, საკვებელთმოქმედო ყოვლად დიდებულო.

კონდაკი 3

ზეგარდმო შენდამი მონიჭებულთა ძალითა მწარედ
ვნებულთა ცრემლი ყოველი აღვოცე,
ღმერთშემოსილო მამაო ნიკოლოზ, რამეთუ მშვიდით
გამოუჩნდი გამომზრდელად, ზღუათა შინა მყოფთ –
კეთილწარმართველად, სნეულთ – მკურნალად და
შემწედ ყოველთა მგალობელთა ღმრთისა მიმართ:
აღილოუია.

იკოსი 3

ზეციერითა და არა მიწიერითა საგალობელითა
საგალობელ ხარ შენ, ჭეშმარიტად, მამაო ნიკოლოზ,
რამეთუ არ ძალუც მესა ჯორციელსა სიწმიდისა შენისა
გამოთქუმაჲ, გარნა ჩუენ, სიყუარულითა შენითა
ძლეულნი, გიღალადებთ:

გიხაროდენ, ხატო ცხოვართა და მწყემსთაო;
გიხაროდენ, წმიდაო განმბანელო სჯნიდისისაო;

გიხაროდენ, სათნოებათა რჩეულო ჭურო;
 გიხაროდენ, განწმედილო და პატიოსანო კარავო
 მაღლისაო;
 გიხაროდენ, ყოვლადბრწყინვალეო და ყოველთაგან
 შეყუარებულო ლამპარო;
 გიხაროდენ, სხივოქროვანო უბიწოო ნათელო;
 გიხაროდენ, ანგელოზთა ღირსეულო
 თანამზრახველო;
 გიხაროდენ, კაცთა კეთილო მოძღუარო;
 გიხაროდენ, მართლისა სარწმუნოებისა კანონო;
 გიხაროდენ, ჭეშმარიტისა სიმშჯდისა სახეო;
 გიხაროდენ, რამეთუ შენ მიერ ჯორციელთა ვნებათა
 განვეშორებით;
 გიხაროდენ, რამეთუ შენით სულიერითა სიტკბოებით
 აღვივსებით;
 გიხაროდენ, ბრძენო მესაჭეო ივერიის წმიდისა
 ეკლესიისაო და მფარველო ერისა ჩუენისაო;
 გიხაროდენ, წმიდაო დიდო მღდელმთავარო
 ნიკოლოზ, საკვველთმოქმედო ყოვლად დიდებულო.

კონდაკი 4

შემაშფოთებს მე სიმწირე გონებისა ჩემისაჲ, რამეთუ
 უღირსად ვაქებ საკვრველებათა შენთა, ნეტარო
 ნიკოლოზ, და არცა სხუათა ძალუც გამოთქმაჲ მათი,
 დაღათუ მრავალნი მჭევრმეტყუელებდენ და თქუმად

აღიმრგოდიან, ხოლო ჩუენ საკვრველად შენ შორის
დიდებულსა ღმერთსა კადნიერად უგალობთ:
აღილოუია.

იკოსი 4

მახლობელთაცა და შორიელთაცა ესმა სასწაულთა
შენთა დიდებაჲ ღმრთივგანრბძნობილო ნიკოლოზ,
ვითარ ჰაერსა შინა მადლისა მიერ სუბუქითა
ფრთებითა მფრინავი შეეწევი ჭირვეულთა და
მსწრაფლ იკსნი შენდა მიმართ მგალობელთა:

გიხაროდენ, განქარვებო მწუხარებისაო;
გიხაროდენ, მოღებო მადლისაო;
გიხაროდენ, მეყსეულად ბოროტთა განმდევნელო;
გიხაროდენ, სანატრელთა სახიერებათა
დამნერგველო;
გიხაროდენ, ჭირთა შინა მყოფთა მსწრაფლ
ნუგეშინისმცემელო;
გიხაროდენ, მაჭირვებელთა დამსჯელო;
გიხაროდენ, ღმრთივგარდამომდინარეთა
საკვრველებათა ზღუაო;
გიხაროდენ, ღმრთივწერილო ფიცარო ქრისტეს
მცნებისაო;
გიხაროდენ, დაცემულთა მტკიცეო აღმადგინებელო;
გიხაროდენ, მართლმდგომარეთა ძლიერებაო;
გიხაროდენ, რამეთუ შენ მიერ ყოველნი სიცბილნი

განშიშულდებიან;
 გიხაროდენ, რამეთუ შენ მიერ ყოველნი სიმართლენი
 აღესრულებიან;
 გიხაროდენ, ბრძენო მესაჭეო ივერიის წმიდისა
 ეკლესიისაო და მფარველო ერისა ჩუენისაო;
*გიხაროდენ, წმიდაო დიდო მღდელმთავარო
 ნიკოლოზ, საკვველთმოქმედო ყოვლად დიდებულო.*

კონდაკი 5

მძვნვარესა ზღუასა შინა ნავით მავალთ,
 წარწყმედისათვის განმზადებულთ, ღმრთივმავალ
 ვარსკვლავად გამოუჩნდი, საკვრველთმოქმედო
 წმიდაო ნიკოლოზ, ოდეს მომწოდებელთა ჳსნად
 მოევლინე და განაგდე გარშემო მფრინავ ეშმაკთა
 სიმრავლე, ნავის დანთქმისა განმზრახველი, და ასწავე
 მორწმუნეთა გალობაჲ ღმრთისა მიმართ: *აღილოუია.*

იკოსი 5

სილატაკისა გამო ბიწიერისა ცხოვრებისათჳს
 განმზადებულთა ქალწულთა იხილეს გლახაკთა
 მიმართ დიდი მოწყალებაჲ შენი, ყოვლადნეტარო
 მამაო ნიკოლოზ, ოდეს მოხუცებულსა მშობელსა
 მათსა მალულად მიეც სამი გუადრუცი, საგსე
 ოქროდთა, და განარიდე იგი, ასულთა თჳსთა თანა,
 ცოდვითა დაცემასა, ამისთჳს გესმის ყოველთაგან:

გიხაროდენ, დიდისა წყალობისა საუნჯეო;
გიხაროდენ, კაცთა მიმართ განგებისა ნებისა
აღმასრულებლო;
გიხაროდენ, საზრდოო და სიხარულო შენდა
მოლტოლვილთაო;
გიხაროდენ, დაუღეგნელო პურო მშვიერთაო;
გიხაროდენ, ღმრთივმიმადლებულო სიმდიდრეო
გლახაკთაო;
გიხაროდენ, დავრდომილთა
მსწრაფლადმადგინებლო;
გიხაროდენ, გლახაკთა მსწრაფლშემსმენო;
გიხაროდენ, გაჭირვებულთათჳს კეთილად
მზრუნველო;
გიხაროდენ, სამთა ქალწულთა უბიწოდ
მაქორწინებლო;
გიხაროდენ, გულსმოდგინეო მცუელო სიწმიდისაო;
გიხაროდენ, უსასოქმნულთა სასოებაო;
გიხაროდენ, ყოვლისა სოფლისა ნეტარებაო;
გიხაროდენ, ბრძენო მესაჭეო ივერიის წმიდისა
ეკლესიისაო და მფარველო ერისა ჩუენისაო;
გიხაროდენ, წმიდაო დიდო მღდელმთავარო
ნიკოლოზ, საკვველთმოქმედო ყოვლად დიდებულო.

კონდაკი 6

ჭირთა შინა მცსნელად გიცნობს შენ ყოველი სოფელი,
ყოვლად ნეტარო ნიკოლოზ, რამეთუ ქუეყანასა ზედა
და ზღუათა შინა მოგზაურთა წინაუძღვ და შეეწევი,
მრავალგზის ბოროტთაგან მყის განარიდე და იხსნი
ყოველთა მკმობელთა ღმრთისა მიმართ: *აღილუია*.

იკოსი 6

უსამართლოდსა სიკუდილისათჳს განმზადებულთა
შენდა მიმართ მვედრებელთა მკედართმთავართა
აღმოუბრწინდი, ვითარცა ნათელი ცხოვრებისა,
კეთილო მწყემსო ნიკოლოზ, ოდეს ეჩუენე
ძილისშორისსა მეფესა, დაეც მას შიში და უბრძანე
მსწრაფლ განტეგებაჲ ამათი. ამისთჳს ჩუენცა მათ
თანა მადლობით გიღაღადებთ:

გიხაროდენ, გულმოდგინედ მომწოდებელთა შენთა
შემწეო;

გიხაროდენ, უსამართლოდსა სიკუდილისაგან
დამცველო;

გიხაროდენ, ცილისწამებათაგან დამფარველო;

გიხაროდენ, უსამართლოთა ბჭობათა
დამარლუეველო;

გიხაროდენ, სიცრუისა, ვითარცა დედაზარდლისა
ქსელისა დამადნობელო;

გიხაროდენ, ჭეშმარიტებისა ამამაღლებელო;
 გიხაროდენ, უბრალოთა საკრველთაგან
 განმათავისუფლებელო;
 გიხაროდენ, მკუდართაცა აღმადგინებელო;
 გიხაროდენ, გამომაჩინებელო სიმართლისაო;
 გიხაროდენ, შემარცხუნელო სიცრუისაო;
 გიხაროდენ, რამეთუ შენ მიერ უბრალონი
 მახვლისაგან იჯსნებიან;
 გიხაროდენ, რამეთუ შენ მიერ ნათელი შეიტკბობის;
 გიხაროდენ, ბრძენო მესაჭეო ივერიის წმიდისა
 ეკლესიისაო და მფარველო ერისა ჩუენისაო;
 გიხაროდენ, წმიდაო დიდო მღდელმთავარო
 ნიკოლოზ, საკვველთმოქმედო ყოვლად დიდებულო.

კონდაკი 7

მწვალებელთა ღმრთისმგმობელი სიცრუისა
 მამხილებელო, სიბნელისა განმდევნელი
 ჭეშმარიტებისა ქადაგად გამოსჩნდი, ნეტარო
 ნიკოლოზ, ასწავებდი რაჲ მკვდრთა შენისა
 ქალაქისათა, ყოველი სოფელი აღავსე მადლითა
 სარწმუნოებისაჲთა; აწ უკუე ჩუენგანცა, წმიდაო,
 წარაქციე წყუდიადი ცოდვისაჲ, მწვალებლობისაჲ,
 რაჲთა უგალობდეთ ღმერთსა: აღიღუია.

იკოსი 7

ახალ ნოედ, საცხოვნებელისა კიდობნისა
წინამძღურად გულისხმაგყოფთ, მძაფრთა ღელვათა
დამაცხრობელად და საღმრთოჲსა სიმშვიდისა
მომნიჭებელად გცნობთ შენ, წმიდაო მამაო ნიკოლოზ,
მღალადებელნი:

გიხაროდენ, ღელვაგუემულთა მშვიდო
ნავთსაყუდელო;

გიხაროდენ, დანთქმულთა განთქმულო მფარველო;

გიხაროდენ, განსაცდელსა შინა მყოფთა მენავეთა
კეთილ მესაქეო;

გიხაროდენ, ზღვს ღელვათა დამაყუდებელო;

გიხაროდენ, ქართაგან ვნებულთა შემწეო;

გიხაროდენ, გაყინულთა განმატფობელო;

გიხაროდენ, ნათელო, ურვისა სიბნელისა
განმფანტველო;

გიხაროდენ, მნათობო, ქუეყანისა ყოველთა კიდეთა
განმანათლებელო;

გიხაროდენ, ცოდვათა ჯურღმულისაგან კაცთა
დამცხნელო;

გიხაროდენ, ჯოჯოხეთისა ცეცხლსა შინა ეშმაკისა
შთამცდელო;

გიხაროდენ, რამეთუ შენ მიერ კადნიერად მოვიღებთ
უფსკრულსა ღმრთისა წყალობისასა;

გიხაროდენ, რამეთუ შენითა მეოხებითა წარღვნის
რისხვასა განშორებულნი ღმრთისა თანა მშჯდობისა
ზიარვიქმნებით;

გიხაროდენ, ბრძენო მესაჭეო ივერიის წმიდისა
ეკლესიისაო და მფარველო ერისა ჩუენისაო;
გიხაროდენ, წმიდაო დიდო მღდელმთავარო
ნიკოლოზ, საკვველთმოქმედო ყოვლად დიდებულო.

კონდაკი 8

საკვრველად სასწაულად გვჩნს შენდა
მოლტოლვილთა, ნეტარო ნიკოლოზ, წმიდაო
ეკლესიაჲ შენი, რამეთუ მუნ მცირისა ლოცვითა
შეწირვითა, დიდთა სწეულებათა კურნებასა
მოვიღებთ, უკუეთუ სასოებასა საღმრთოსა შენდა
ხოლო მივაპყრობთ, ღაღადმოფელნი: ალილოუია.

იკოსი 8

ჭეშმარიტად ყოველთა შემწედ გცნობთ შენ,
ღმერთშემოსილო ნიკოლოზ, რომელი შემოჰკრებ
შენდამი მოლტოლვილთა, ვითარცა
განმათავისუფლებელი, საზრდოჲსა მიმცემი და
მსწრაფლმკურნალი მათი და ქებად და გალობად
აღმძვრელი ყოველთა:

გიხაროდენ, ყოველსახეთა კურნებათა წყარო;
გიხაროდენ, სნეულთა შეწევნაო;
გიხაროდენ, ცისკარო, უსჯულოებისა წყუდიადასა გზა
შეცთომილთათჳს ელვარეო;
გიხაროდენ, სიცხესა შრომით დამაშურალთათვის
ცუარო ზეციურო;
გიხაროდენ, მვედრებელთა კეთილწარმმართველო;
გიხაროდენ, მთხოველთათვის სიუხვისა
მიმნიჭებელო;
გიხაროდენ, რომელი წინაუძღვი თხოვასა;
გიხაროდენ, მჯცოვანთა ძალისა განმაახლებელო;
გიხაროდენ, ჭეშმარიტისა გზისაგან შეცდომილთა
მამხილებელო;
გიხაროდენ, საღმრთოთა საიდუმლოთა სარწმუნო
მსახურო;
გიხაროდენ, რამეთუ შენ მიერ დავთრგუნავთ შურსა;
გიხაროდენ, რამეთუ შენ მიერ კეთილსა ცხოვრებასა
ვისწავებთ;
გიხაროდენ, ბრძენო მესაჭეო იგერიის წმიდისა
ეკლესიისაო და მფარველო ერისა ჩუენისაო;
გიხაროდენ, წმიდაო დიდო მღდელმთავარო
ნიკოლოზ, საკვველთმოქმედო ყოვლად დიდებულო.

კონდაკი 9

ყოველნი საღმრთოანი ჩუენნი დააცხრვენ, მეოხო ჩუენო
ნიკოლოზ, მადლიანი წამლობანი განაზავენ
დამატკბობელად სულთა და მხიარულ-ყოფად
გულთა მათთა, რომელნი შეწევნისათჳს გიკმობენ და
ღმერთსა უგალობე: *ალილოუია*.

იკოსი 9

ვსცანთა, ღმრთივგანბრძნობილო მამაო ნიკოლოზ, შენ
მიერ სირცხლეულთა უკეთურთა ამაო სიბრძნედ,
ოდეს მკრეხელი არიოზ, განმყოფელი ღმრთაებისა, და
საბელიოს, შემრეველი წმიდისა სამებისაჲ,
დასთრგუნე, ხოლო ჩუენ მართლმადიდებლობასა
შინა განგუამლიერენ, ამისთჳს გილაღადებთ:

გიხაროდენ, ფარო, დამცუელო კეთილმსახურებისაო;

გიხაროდენ, მახზლო, განმკუეთელო

ბოროტმსახურებისაო;

გიხაროდენ, საღმრთოთა ბრძანებათა მქადაგებელო;

გიხაროდენ, ღმრთის-საძაგელთა მოძღურებათა

მომსრველო;

გიხაროდენ, ღმრთივდამყარებულო კიბეო, რომლისა

მიერ აღვალოთ ზეცად;

გიხაროდენ, სიტყვთა შენითა უგუნურთა

განმაბრძნობელო;

გიხაროდენ, მცონარეთა და უზრუნველთა
 კეთილზნეობით აღმძრველო;
 გიხაროდენ, ღმრთივგარდამოტევებულო საფარველო,
 მრავალთა დამფარველო;
 გიხაროდენ, ღმრთის მცნებათა დაუშრეტელო
 ნათელო;
 გიხაროდენ, სხივო უფლისმიერი სამართლისაო;
 გიხაროდენ, რამეთუ სწავლითა შენითა შეიმუსრვიან
 თავნი მწვალებელთანი;
 გიხაროდენ, რამეთუ მორწმუნენი შენ მიერ ღირს
 იქმნებიან დიდებისა;
 გიხაროდენ, ბრძენო მესაჭეო ივერიის წმიდისა
 ეკლესიისაო და მფარველო ერისა ჩუენისაო;
 გიხაროდენ, წმიდაო დიდო მღდელმთავარო
 ნიკოლოზ, საკვველთმოქმედო ყოვლად დიდებულო.

კონდაკი 10

მნებებელმან სულის ცხოვნებისამან, წმიდაო
 მღდელმთავარო ნიკოლოზ, ჭეშმარიტად ჯორცი შენი
 სულსა დაუმორჩილე; უწინარეს ყოვლისა
 მღუმარებითა და გულისთქუმათა თანა ბრძოლითა
 საქმესა შენსა განზრახვად და საღმრთოდ ხედვად
 შესძინე, და სრულად გულისხმისმყოფელი
 კადნიერად ჰზრახევდი; ღმრთისა და ანგელოზთა
 მისთა თანა, მგალობელი: ალილოუია.

იკოსი 10

საკვრველთმოქმედებათა შენთა მაქებელთათჳს და
შენგან შეწევნისა მვედრებელთათჳს მტკიცე ზღუდე
ხარ, ყოველადნეტარო, ამისთჳს შეგთხოვთ
ცოდვილნი სასოებით: ყოველთა ზედადასხმათაგან
მტერთასა, საღმობათა და ჭირთაგან
განგუათავისუფლენ სიყუარულით მკმობელნი:

გიხაროდენ, სულიერთა სიგლახაკეთაგან მკსნელო;
გიხაროდენ, უხრწნელისა სიმდიდრისა მბოძებელო;
გიხაროდენ, სიმართლისათჳს მშოერთა მოუკლებელო
საზრდელო;

გიხაროდენ, ცხოვნების მწყურვალთათჳს
დაუღევენელო სასმელო;

გიხაროდენ, ამბოხისა და ბრძოლისაგან დამცველო;

გიხაროდენ, კრულებათა და ტყვეობათაგან
განმათავისუფლებელო;

გიხაროდენ, შეურვებულთა ყოვლადსაქებელო
შემწეო;

გიხაროდენ, მტერთა დასხმისაგან უძლეველო
დამფარველო;

გიხაროდენ, მრავალთა წარწყმედისაგან მკსნელო;

გიხაროდენ, ბევრეულთა უვნებელად დამცუელო;

გიხაროდენ, რამეთუ ცოდვილნი უწყალოსა
სიკუდილსა განეკრძალებიან შენ მიერ;

გიხაროდენ, რამეთუ შენით მონანულნი
 სამარადისოსა ცხოვრებასა დაიმკვდრებენ;
 გიხაროდენ, ბრძენო მესაქეო ივერიის წმიდისა
 ეკლესიისაო და მფარველო ერისა ჩუენისაო;
 გიხაროდენ, წმიდაო დიდო მღდელმთავარო
 ნიკოლოზ, საკვებელთმოქმედო ყოვლად დიდებულო.

კონდაკი 11

ყოვლადწმიდისა სამებისა საგალობელი სხუათა
 უმეტეს აღავლინე გონებით, სიტყვით და საქმით,
 ყოვლადნეტარო ნიკოლოზ, ყოველთათჳს საცნაურ-
 ჰყვენ წესნი და კანონნი მართლმადიდებლობისანი და
 სარწმუნოებით, სასოებით და სიყუარულით გუასწავე
 მხოლოდსა ღმრთისა გალობად: ალილოუია.

იკოსი 11

ცხოვრებისა ბნელსა შინა მსხდომთათჳს
 დაუშრეტელსა ნათელცისკროვანად სხივად გხედავთ
 შენ, ღმრთივგამორჩეულო მამაო ნიკოლოზ; რამეთუ
 უნიგთოთა ანგელოზთა თანა ნათლითა ზიარებულო,
 წმიდისა სამებისა შეუქმნელსა ნათელსა ზედა
 მზრახველი განანათლებ მორწმუნეთა სულსა, შენდა
 მიმართ მგალობელთა:

გიხაროდენ, სამშზის ნათლისა გამობრწყინებაო;
გიხაროდენ, დაუვალისა მზისა ცისკარო;
გიხაროდენ, საღმრთოთა ცეცხლითა აღნთებულო
სანთელო;
გიხაროდენ, რამეთუ დაშრიტე უღმრთოებისა ცეცხლი
ემმაკეული;
გიხაროდენ, მართლსარწმუნოების ბრყინვალე
ქადაგებაო;
გიხაროდენ, სახარებისა ნათლისა კეთილსახილველო
ელვარებაო;
გიხაროდენ, მწვალეობათა შემწუველო ელვაო;
გიხაროდენ, მაცდუნებელთა ზარისდამცემო ქუხილო;
გიხაროდენ, ჭეშმარიტისა სიბრძნისა მასწავლებლო;
გიხაროდენ, საიდუმლოდსა გონებისა განმცხადებლო;
გიხაროდენ, რამეთუ შენ მიერ დაითრგუნვის
თაყუანისცემა ქმნულისაჲ;
გიხაროდენ, რამეთუ შენ მიერ სამებისაჲ, ვითარცა
შემოქმედისა, თაყუანის-ცემაჲ განემტკიცების;
გიხაროდენ, ბრძენო მესაჭეო ივერიის წმიდისა
ეკლესიისაო და მფარველო ერისა ჩუენისაო;
გიხაროდენ, წმიდაო დიდო მღდელმთავარო
ნიკოლოზ, საკვველთმოქმედო ყოვლად დიდებულო.

კონდაკი 12

შენდა ღმრთივბოდებულისა მადლისა მცნობელნი,
 შეწევნასა შენსა ვითხოვთ, ყოვლადდიდებულო მამაო
 ნიკოლოზ; თანამდებობისაებრ სიხარულითა
 ვდღესასწაულობთ და აღვასრულებთ ხსენებასა შენსა;
 აღურაცხელ არიან საკვრველებანი შენნი, ვითარცა
 ვარსკულავნი ცისანი და ზღვსა ქვიშანი, ესევეითარითა
 განკვრეებულნი ვგალობთ ღმრთისა მიმართ:
აღიღოუია.

იკოსი 12

მგალობელნი ნიშთა და სასწაულთა შენთანი,
 სიყუარულით გაქებთ, ყოვლად ნეტარო, რამეთუ შენ
 შორის სამეხობით დიდებული ღმერთი საკვრველად
 გამოჩნდების, დაღაცათუ ფსალმუნთა და შესხმათა
 შევწირავთ მრავალსა, ვერშემძლებელნი გამოთქუმად
 საკვრველებათა შენთა, გიღაღადებთ:

გიხაროდენ, მეუფისა მეუფებათაჲსა და უფლისა
 უფლებათაჲსა მსახურო;
 გიხაროდენ, ზეციურთა ძალთა თანა დამკვდრებულო;
 გიხაროდენ, ღმრთივდაცულისა ერისა ჩუენისა
 შეწევნაო;
 გიხაროდენ, ნათესავისა ქრისტიანეთასა ამაღლებაო;
 გიხაროდენ, ძლევისა მოსახელეო;

გიხაროდენ, განგებით გამორჩეულო გზრგზნოსანო;
 გიხაროდენ, ყოველთა სათნოებათა სარკეო;
 გიხაროდენ, შენდა მოლტოლოვილთა მუზარადო;
 გიხაროდენ, ღმრთისა და ღმრთისმშობლისა
 შემდგომად ყოველთა სასოებაო;
 გიხაროდენ, ჯორცთა ჩუენთა სიმრთელეო და სულთა
 ცხოვნებაო;
 გიხაროდენ, რამეთუ შენ მიერ საუკუნოდსა
 წარწყმედისაგან ვიკსნებით;
 გიხაროდენ, რამეთუ შენ მიერ დაუსრულებელსა
 ცხოვრებასა ვეზიარებით;
 გიხაროდენ, ბრძენო მესაჭეო ივერიის წმიდისა
 ეკლესიისაო და მფარველო ერისა ჩუენისაო;
 გიხაროდენ, წმიდაო დიდო მღდელმთავარო
 ნიკოლოზ, საკვველთმოქმედო ყოვლად დიდებულო.

კონდაკი 13

ჰოი, ყოვლადწმიდაო და ყოველადსაკვრველო მამაო
 ნიკოლოზ, ყოველთა მწუხარეთა ნუგეშინისმცემელო,
 მიითუალე შესაწირავი ესე ჩუენი და ვითარცა
 უფლისა წინაშე კადნიერად მდგომარემან, ითხოვე
 განრინებაჲ ჩუენი ცეცხლთაგან ჯოჯოხეთისათა,
 რადთა ჩუენ, ცოდვილნიცა, შენ თანა უგალობდეთ
 ღმერთსა: ალილუია, ალილუია, ალილუია. (სამ-გ ზის)

ლოცვა

ჰოი, ყოვლადსანატრელო, წმიდაო მღვდელმთავარო ნიკოლოზ, ბრძენო მესაჭეო საქართველოს წმიდისა ეკლესიისა და მფარველო ერისა ჩუენისაო, მამისა სათნოო, ძისა მიერ განათლებულო, სულითა წმიდისა განბრძნობილო, ანგელოზთადა შეერთებულო, მოციქულთა მოსაყდრეო, მოწამეთა თანამოღვაწეო, მღვდელმთავართა შეუნიერებაო, სარწმუნოებისა წინამძღვარო, მართლმორწმუნეთა შემწეო და შესავედრებელო;

ჰოი, ყოვლადდიდებულო წმიდაო მღვდელმთავარო ნიკოლოზ, სიწმიდითა შენითა მრავალთა სასწაულთა მოქმედო; დამკვდრებულთა შენთანა საღმრთოდთა მადლითა განანათლე და დაიფარე ღვთივადაცული ერი ჩუენი, მთავრობა და მხედრობა მისი, უწმიდესი და უნეტარესი, სრულიად საქართველოს კათოლიკოს-პატრიარქი და მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, მამაჲ ჩუენი ილია, ყოვლადსამღვდელონი მიტროპოლიტნი, მთავარეპისკოპოსნი, ეპისკოპოსნი და ყოველნი სამღვდელონი, სამონაზნო დასნი და ყოველნი მართლმადიდებელნი ქრისტიანენი.

ევედრე წმიდაო ნიკოლოზ, შენ მიერ ქადაგებულსა ღმერთსა, რათა მოგვმადლოს სულთა და ჯორცთა

მშვიდობა და სიმრთელე და ვადიდებდეთ
სახიერებასა მისსა;

ჰოი, ყოვლადნეტარო დიდო მღვდელმთავარო
ნიკოლოზ, ყოვლადწმიდისა სამებისა მიერ
ღმრთივშუენიერად განათლებულო და მრავალთა
სათნოებათა შენათჳს ყოვლადბრწყინვალითა
გვრგვნითა პატივცემულო, მეოხ გვეყავნ წინაშე მისსა,
რათა მოგვანიჭოს მართლმადიდებლობით
განათლება, კეთილთა საქმეთა მიერ განბრწყინვება და
სასუფეველსა ცათასა დამკვიდრება, ანგელოზთა თანა
გალობა, წმიდათა თანა სუფევა, ღირსთა თანა
გვირგვინოსნება, რათა მარადის ვუგალობდეთ შენსა
განმადიდებელსა მამასა, შენსა მაკურთხეველსა ძესა
და შენსა განმაბრძნობელსა სულსა წმიდასა, რომელსა
შუენის ყოველი დიდება, პატივი და თაყვანისცემა აწ
და მარადის და უკუნითი უკუნისამდე, ამინ.

